

Fundur stýrihóps fagráðs um símenntun og starfsþróun kennara, 20. janúar kl. 13-14.30

Mættir

Sigurjón Mýrdal, Aðalheiður Steingrímisdóttir, Ársæll Guðmundsson, Gunnar Gíslason (í síma), Jón Torfi Jónasson, Svanhildur M. Ólafsdóttir og Sólrún Harðardóttir.

Fundarstaður

Mennta- og menningarmálaráðuneytið.

Umræðuefni

- Starfsáætlun og fjárhagsáætlun
- Helstu áherslur í lokatillögum
- Af starfi vinnuhópa og stofnun nýs hóps
- Önnur mál

Starfsáætlun og fjárhagsáætlun

Farið var yfir drög að starfsáætlun og kallað eftir athugasemdum og viðbrögðum. Bent á að þarna vantaði inn lið um samtal. „Fagrád tryggir að hagsmunaaðilar hafi samráð um áherslur í starfsþróun kennarastéttarinnar“ er eitt af hlutverkum fagráðs. Talað um að hlutast ætti til um að aðilar töluðu saman. Formlegt samtal á sér stað í kringum ýmis verkefni sem nú eru í gangi. Rétt þótti að fólk væri vakandi fyrir og segði frá vinnu, sem tengdist símenntun og starfsþróun en væri ekki beint á vegum fagráðs. Efla mætti samtal á milli aðila með viðeigandi starfsháttum fagráðs.

Í framhaldi af þessari umræðu var talað um mikilvægi þess að útbreiða þekkingu um fagráðið. Við þurfum líka að fylgjast mjög vel með og gæta þess að ákveðnir kennarahópar væru ekki undanskildir í stefnumótuninni. Talað um að æskilegt væri að kortleggja og íhuga hvar væru hugsanlega göt.

Varðandi fjárhagsáætlun var rætt um hugsanleg verkefni á vegum fagráðs sem kosta og var Sólrúnu falið að lista upp og verðmerkja þessi verkefni í samráði við Sigurjón.

Helstu áherslur í lokatillögum

Mikilvægt er að hefjast skipulega handa í stefnumótunarvinnunni. Hagsmunaaðilar geti stillt saman strengi um sameiginlega sýn og fyrir dyrum standi að spyrja hagsmunaaðila út í afstöðu varðandi skyldur, ábyrgð og hlutverk. Ársæll talar um að við höfum tekið okkur tíma í að rækta ávöxt og nú sé tímabært að kreista úr honum safann. Þeirri vinnu þarf að stýra.

Fólk er sammála um að það sem liggja fyrir felist í að vinna áfram með verkefni sem listuð eru í starfsáætluninni en í stefnumótunarvinnunni sé það meðhöndlað og sogað út úr þessum verkefnum sem á heima í stefnu um starfsþróun kennara og skólastjórnenda.

Sólrúnu og Sigurjóni var falið að gera ramma fyrir stefnuna sem ætti að endurspegla áherslur í lokatillögum. Þessi rammi fælist í að setja niður yfirskriftir, efnisþætti og spurningar.

Áherslur í lokatillögum ættu að koma fram í febrúar. Í vor mætti sjá fyrir sér drög að stefnu.

Af starfi vinnuhópa og stofnun nýs hóps

Sjá fer fyrir endann á starfi vinnuhópa er fjalla um sjóðaskýrsluna og ráðstefnuna *Future Teachers*. Skýrslan er nánast tilbúin og mun birtast á allra næstu dögum.

Ekki er fullskipað í vinnuhóp til að fjalla um TALIS og önnur gögn er falla undir að greina þarfir fyrir símenntun og starfsþróun og munu þeir sem eiga eftir að tilnefna gera það við fyrsta tækifæri svo hópurinn geti hafið störf.

Önnur mál

Stefnt er á fund í fagraði 19. mars.

Stöðuskýrslan fyrir 2014 verður send til ráðherra síðar í dag.

Þeir sem ekki voru búnir að skila „heimavinnu“ um TALIS voru minntir á það.

Sólrún Harðardóttir tók punkta